

Акафист святому праведному Александру, пресвитеру Вологодскому

Кондак 1

Избранный чудотворче и преславный угодниче Христов,/ верный о нас предстателю,/ отче праведный Александре,/ Православныя Церкви светильниче многосветлый/ и града Вологды дражайшее украшение!/ Величающе Прославляшаго тя Господа, воспеваем ти похвальная./ Ты же теплыми молитвами от тяжких нас бед свободи, зовущих:// Радуйся, отче Александре, пастырю добрый и изрядный угодниче Христов.

Икос 1

Со Ангелы светлогласную песнь воспойм, людие, славному пастырю Вологодскому, праведному Александру, умного делания руководителю, покаяния учителю, к душеспасительному жителству путеводителю, изнемогшим в борьбе со страстьми помощнику верну и всем христианом прибежищу, зовуще сие:

Радуйся, от младенства Бога возлюбивый;
радуйся, ум свой в Боже утвердивый.
Радуйся, молитвою душевное око просветивый;
радуйся, постом пламень страстей угасивый.
Радуйся, гордость житейскую возненавидевый;
радуйся, смирение богоприятное возлюбивый.
Радуйся, града Никольска доброе прозябение;
радуйся, края Вологодскаго благое украшение.
Радуйся, Церкви Русския похваление;
радуйся, земли нашей утверждение.
Радуйся, Небеснаго Иерусалима гражданине;
радуйся, Царствия Божия наследниче.

Радуйся, отче Александре, пастырю добрый и изрядный угодниче Христов.

Кондак 2

Видя сердце твое чисто и душу просвещену, отче Александре, показав тебе Христос вместилище мудрости Божественныя и положи тебя юным наставника и учителя, доброе научение во умы отроков влагающая, научающая мирскаго суетумудрия избегати, Богу же взывать: Аллилуиа.

Їкос 2

Разум Небесный стяжав, презрел еси мира красоту, яко суетну, возлюбил же еси богомыслия и молчания доброту; поношения и скорби претерпел еси, отче, Христу вседушно подражая, мы же, дивящиеся таковому житию твоему, вопием ти:

Радуйся, банею покаяния души совершенно очистивый;

радуйся, воздержания водою обильно ю напоивый.

Радуйся, добродетели многи в себе возрастивый;

радуйся, дел благих плоды сладчайшия вкусивый.

Радуйся, скорби препобедивый благодушием;

радуйся, на поношения отвещаваый благословением.

Радуйся, Пресвятыя Богородицы пламенный любителю;

радуйся, икон Ея честных усердный почитателю.

Радуйся, о нищих и страждущих ходатаю скорый;

радуйся, о грешных и немощных предстателю теплый.

Радуйся, высоту смирения и благочестия нам явивый;

радуйся, сосуд Духа Святаго ся соделавый.

Радуйся, отче Александре, пастырю добрый и изрядный угодниче Христов.

Кондак 3

Силою Вышняго дар слова пребогатый получил еси, отче Александре, имже неленостно послужил еси народу Божию, неустанно наставляя и поучая чад своих житию христианскому, да отвергнут соблазны века сего лукаваго, наипаче же будущия жизни возжелают и Христу воззовут: Аллилуиа.

Їкос 3

Видя благочестивое и благоговейное житие твое, праведне Александре, постави тя Господь на свещнице высокоем, священства даром обогатив, ты же служение сие всеблагоговейно прошед, мзду благаго икономства получил еси, темже и слышиши от всех сие:

Радуйся, людем христолюбивым предобрый наставниче;

радуйся, Церкви Божия непорочный служителю.

Радуйся, богомудраго разсуждения свеще боговозжженная;

радуйся, благодатнаго жития лампадо светосияющая.

Радуйся, утешителю скорбящих предивный;

радуйся, болящих исцелителю милосердый.

Радуйся, чудес неиссякаемый источник;

радуйся, града твоего непоколебимый оплоте.

Ра́дуйся, стрóпотных и злонра́вных т́хое исправл́ение;
ра́дуйся, лени́вых и невер́ных крóткое облич́ение.
Ра́дуйся, свети́льниче златоза́рный и всесв́етлый;
ра́дуйся, моли́твенниче неусы́пный и дерзнове́нный.
Ра́дуйся, о́тче Алексáндре, па́стырю до́брый и изря́дный уго́дниче
Христóв.

Конда́к 4

Бу́рю злых страсте́й мол́ением утиша́я, се́рдце слéзным пока́нием
очища́я, обре́л еси́ ве́лие смире́ние ду́ш и дерзнове́ние предсто́яти
олта́рю Госпо́дню непоро́чно, Же́ртву Безкро́вну возно́ся за вся лю́ди,
душе́ю веселя́ся, ли́ком просвеща́ясь, се́рдцем же по́я Го́сподеви Бо́гу:
Аллилу́иа.

Йкос 4

Лю́дие вси во́логодстии, приходя́ще к тебе́, удиви́хуся словесе́м
твои́м премудры́м и подвиго́м изря́дным, о́тче богоизбра́нне, и
сла́вляху Бо́га на́шего. Ты же, блаже́нне, всем сло́во науче́ния
неле́ностно предлага́ше, вопи́ющим тако́вая:

Ра́дуйся, пропове́дниче златослове́сне;
ра́дуйся, наста́вниче богоглаго́ливе.
Ра́дуйся, таин Бо́жих возвестите́лю;
ра́дуйся, жи́зни во Христé учи́телю.
Ра́дуйся, Святы́я Евха́ристии трéпетный служи́телю;
ра́дуйся, Же́ртвы Безкро́вныя усер́дный соверши́телю.
Ра́дуйся, Св́етом Нетва́рным во олта́ри просвеща́выйся;
ра́дуйся, тем Моисе́ю Богови́дцу уподо́бивыйся.
Ра́дуйся, ве́тхое десятосло́вие непоро́чно сохрани́вый;
ра́дуйся, но́вая блаже́нства всеусер́дно испо́лнивый.
Ра́дуйся, святы́х и преподо́бных отце́в почита́телю;
ра́дуйся, подвиго́в и молéний их подража́телю.
Ра́дуйся, о́тче Алексáндре, па́стырю до́брый и изря́дный уго́дниче
Христóв.

Конда́к 5

Богоблаже́нне о́тче Алексáндре, твои́ми богоприя́тными моли́твами
хля́би небесны́я заключа́хуся и дождь преста́яше, слепи́и прозрева́ху и
хро́мии бо́дро возста́ху, ни́щии насыща́хуся, и винопи́йцы от греха́
отвраща́хуся, и мно́зи боля́щии, исцел́ение получи́вше, воспева́ху
Бо́гови: Аллилу́иа.

Їкос 5.

Внегда людіе града твоего о помощи молиша святого Иоанна, великаго пастыря Кронштадтскаго, той указоваше на тя, отче милосердый, яко на обретаемого велию благодать пред Господом, и сего ради мы, дивящиеся, воспеваем ти ныне:

Радуйся, приходящим к тебе с верою исцеления источаяй;

радуйся, светом благочестия мрак сердец озаряяй.

Радуйся, всякаго навета вражия нас избавляяй;

радуйся, злобы и козней бесовских нас ограждаяй.

Радуйся, приятелище обильных дарований духовных;

радуйся, краткий обличителю страстей греховных.

Радуйся, рекo, исцелений водами мир орошающая;

радуйся, стенo, мольбами крепко нас ограждающая.

Радуйся, яко в незаходимем Свете присно пребываеши;

радуйся, яко и ныне чтущих тя неленостно посещаети.

Радуйся, Вологодскаго края неусыпный хранителю;

радуйся, добрый о душах наших попечителю.

Радуйся, отче Александре, пастырю добрый и изрядный угодниче Христов.

Кондак 6

Проповеданием Слова Божия, якоже цвет красный Христова спасительнаго сеяния, процвел еси во стране северней, отче Александре, благодать приемь Пресвятаго Духа и Христа Бога милостивое благоволение, Ему же благодарне вопием: Аллилуиа.

Їкос 6

Воссиял еси житием твоим добродетельным, преблагенне отче Александре, верная любовью просветил еси, наветы и козни претерпел еси, за обидящих тя Господеву моляся. Тем же мы, таковому твоему незлобию и краткому нраву дивящиеся, вопием ти ныне:

Радуйся, в скудости сущим милости щедрый подателю;

радуйся, язв и недугов греховных мудрый врачевателю.

Радуйся, прозорливче, помышления человеческая видевый;

радуйся, страсти сокровенныя открывавый и исцелявый.

Радуйся, неправды людския в тишине претерпевый;

радуйся, с наветы и кознями в борении преуспевый.

Радуйся, отчаянных и безутешных пристанище;

радуйся, нищих питателю и скорбящих утешителю.

Рáдуйся, в постѣх и трудѣх многѣх себѣ изну́ривый;
ра́дуйся, пра́вило вѣры и о́браз терпѣния нам явѣвый.
Рáдуйся, у́мныя моли́твы и богомы́слия вѣрный храните́лю;
ра́дуйся, всю жизнь свою́ преда́вый в ру́це Христу́ Спаси́телю.
Рáдуйся, о́тче Алексáндре, па́стырю до́брый и изря́дный уго́днике
Христóв.

Конда́к 7

Но́ваго ви́дяще тя избра́нника Бо́жия и слы́шаще о святе́м жити́и
твоём, блаже́нне Алексáндре, архипа́стыри и па́стыри, бога́тии и
бе́днии, знáтнии и прóстии, премúдри и убо́зии, приходя́ще к тебѣ,
удивля́хуся, и всем в сла́дость бысть ви́дение ли́ка твоего́ и
благоуве́тливый глас духоно́сных словéс твои́х, те́мже и воспева́ху
песнь Бо́гу: Аллилу́иа.

И́кос 7

Хотя́й Человеколю́бец Госпо́дь я́ко зláто в горни́ле испытáти тя,
о́тче, посла́ ти нѣмощи телéсныя и болéзни, я́же ты в кѣллии неисхóдно
затвори́ша, е́же ти и служи́ти олтарю́ Бо́жию не мо́щѣ, о́баче не
престáл есѣ лю́ди Христóвы утешáти, вопи́ющия ти таковы́я:

Рáдуйся, крóтость и незло́бие стяжа́вый;
ра́дуйся, А́нгельскому́ чи́ну в жити́и своём подража́вый.
Рáдуйся, согрешáющих крóткий и тихоглáсный вразуми́телю;
ра́дуйся, я́рости людскѣя миролю́бивый укроти́телю.
Рáдуйся, по́двиг святы́х, я́ко путево́дную звезду́, прие́мый;
ра́дуйся, е́реси суемúдрыя и безбо́жия се́ти изобличи́вый.
Рáдуйся, Христóвых за́поведей пла́менный ревни́телю;
ра́дуйся, недúгов челове́ческих мúдрый цели́телю.
Рáдуйся, вы́сокою дарова́ний не возгори́выйся;
ра́дуйся, в простоте́ серде́чной утверди́выйся.
Рáдуйся, звездо́ свѣтлая, на небеси́ церкóвнем сия́ющая;
ра́дуйся, со́лнце дивное, оте́чество просвещáющее.
Рáдуйся, о́тче Алексáндре, па́стырю до́брый и изря́дный уго́днике
Христóв.

Конда́к 8

Стáнное чúдо ви́дим на тебѣ, богоблагода́тне, я́ко кѣллия
немо́щнаго Не́бо бысть, иде́же ты, блаже́нне о́тче, во всемо́щных
моли́твах и молéниях ко Го́споду и ко Пресвяте́й Влады́чице
Богоро́дице пребы́ваше. Те́мже ны́не с ли́ки святы́х Престо́лу Бо́жию
предсто́иши, воспева́я: Аллилу́иа.

Їкос 8

Слы́шаще о дѣвнем житіи́ твоѣм, ѡтче Алексáндре, благодарственна́я пѣния возно́сим Христу́ Бо́гу на́шему, Їже дарова́ нам тя свети́льник позлаще́нный, гра́ду Во́логде похвалу́ и утвержде́ние, и сего́ ра́ди воспева́ем ти́ си́це:

Ра́дуйся, ум свой к Го́рнему при́сно проти́равый;

ра́дуйся, богомы́слием ко Творцу́ прибли́живыйся.

Ра́дуйся, нищету́ духо́вную и кро́тость трудо́ и бде́нии стяжа́вый;

ра́дуйся, о́браз целому́дреннаго и свята́го жити́я уясни́вый.

Ра́дуйся, я́ко сосу́д Пресвята́го Ду́ха нам мо́щи тво́я святы́я оста́вил еси́;

ра́дуйся, я́ко дом Святы́я Тро́ицы показáлся еси́.

Ра́дуйся, по́стниче, трапѣзу Ца́рствия вкуша́й;

ра́дуйся, иере́ю Бо́жий, Первосвяще́ннику сла́ву прино́сяй.

Ра́дуйся, немо́щей ча́д твои́х не возгнуша́выйся;

ра́дуйся, душе́вною ми́лостию и любóвию грехи́ покрыва́вый.

Ра́дуйся, путево́ждю, указу́й ве́рным путь спасе́ния;

ра́дуйся, сокрови́ще кро́тости и вели́каго смире́ния.

Ра́дуйся, ѡтче Алексáндре, па́стырю до́брый и изря́дный уго́днице Христóв.

Конда́к 9

Вся́кою премудро́стию и ра́зумом Божѣ́ственным обогати́вся, источи́л еси́, я́ко ре́ки, словеса́ тво́я, Алексáндре пра́ведне, ихже прохла́дою напои́л еси́ ду́ши, изсо́хшия страстьми́ и жа́ждущия Божѣ́ственныя вла́ги. Ото́ну́дуже и воспева́ем мы то́бою чуде́йствующему Бо́гу А́нгельскую песнь: Аллилу́иа.

Їкос 9

Весь освяще́н и богоно́сен показáлся еси́, сла́вне Алексáндре, Богонача́льными светлостью́ озаря́емъ, ото́ну́дуже и дар прозре́ния стяжа́л еси́, я́ко и́стинный служи́тель Бо́жий пресла́вен. Те́мже мы, духо́вная ча́да тво́я, благодарственно́ взы́ваем ти́ си́це:

Ра́дуйся, бу́дущая, я́ко настоя́щая, предзре́вый;

ра́дуйся, далече́ су́щая, я́ко близ пребыва́ющая, прови́девый.

Ра́дуйся, та́йныя челове́к стра́сти нелицеприятне обли́чавый;

ра́дуйся, тем ду́ши заблуждши́я ми́лостивно вразумля́вый.

Ра́дуйся, христиа́нскаго благоче́стия и́стинный храните́лю;

ра́дуйся, му́жества и кре́пости святы́х оте́ц ревни́телю.

Ра́дуйся, немо́щи телесны́я нивотó же вмени́вый;

ра́дуйся, упова́нием Небе́сных ду́шу свою́ возвесели́вый.
Ра́дуйся, о́браз нищеты́ духо́вныя дивно́ показавый;
ра́дуйся, сла́сти вре́менныя сла́дости ра́ди нетле́нныя презре́вый.
Ра́дуйся, ка́меню драгíй, в сокрови́щах Небе́сных сокры́тый;
ра́дуйся, бисере́ многоце́нный, блиста́нием своим ны осиява́й.
Ра́дуйся, о́тче Алексáндре, па́стырю до́брый и изря́дный уго́днице
Христóв.

Конда́к 10

Спасти́ хотя́ ду́шу, жизнь свою́ в ру́це Го́спода пре́дал еси́
всеконéчне, по́мощию Того́ по́хоть плóти, по́хоть очес и го́рдость
житейскую́ препобеди́л еси́, и вся, к тебе́ приходя́щая, сему́ прísно
поуча́ше: страсте́й оша́иватися, добродéтели стяжавáти, Бо́гу же со
благодарéнием всегда́ взыва́ти: Аллилу́иа.

Їкос 10

По́мощь и стена́ необори́ма бысть тебе́ Господь Иисус, Егóже от
младых ногте́й возлюбил еси́, и сего́ ра́ди облéкся еси́
смиреномудрием и крóтостию, целомудрием и благоче́тием и
прóчими да́ры Всесвята́го Ду́ха, те́мже и слы́шиши от всех такова́я:

Ра́дуйся, служи́телю Христóв усерднейший;
ра́дуйся, Ева́нгелия исполнítелю изря́днейший.
Ра́дуйся, жизнь свою́ сокры́вый со Христóм в Бо́зе;
ра́дуйся, того́ ра́ди прия́вый бесконéчное блаже́нство.
Ра́дуйся, свети́льнице, огнём Ду́ха Свята́го возжже́нный;
ра́дуйся, благоухáнный цвёте, росóю благода́ти напоённый.
Ра́дуйся, чистоты́ богáтство мно́гими труды́ стяжавый;
ра́дуйся, целомудрия́ свéтлость, я́ко мзду болéзней твоих, приéмый.
Ра́дуйся, во гра́де, я́ко в пусты́ни, крéпко подви́завыйся;
ра́дуйся, среди́ суеты́ мирскíя ум безсобла́знен сохрани́вый.
Ра́дуйся, Це́ркве Христóвы огнезра́чный свети́льнице;
ра́дуйся, исцелéний чу́дных златостру́йный исто́чнице.
Ра́дуйся, о́тче Алексáндре, па́стырю до́брый и изря́дный уго́днице
Христóв.

Конда́к 11

Пéние непреста́нное Бо́гови принося́, па́ству премудро́ наставля́л
еси́, сло́во апóстольское воспомина́я, я́ко мно́гими скорбьми́ подобáет
нам стяжа́ти Цáрствие Бо́жие, обáче не уныва́ти в жи́зни сей, ду́хом
горéти, Го́сподеви рабóтати, всегда́ ра́доватися, непреста́нно
моли́тися, за вся благодарíти и пéти прísно: Аллилу́иа.

Їкос 11

Свѣтлых райских селѣний жителя и святых единовсельника яви ты, Александре праведне, всея твари Создатель, и Небеснаго Града обитателя, и радуется о тебѣ отечество твоѣ земное, Никольск град и вся Фиваида Северная, зря такую славу твою, мы же, чтуще ты любовию, вопиѣм ти сѣце:

Радуйся, Фиваиды Северныя крине белообразный;
радуйся, земли Русския кедре богонасажденный.
Радуйся, кипарисе, до Небес досязая;
радуйся, столпе, отечество наше утверждая.
Радуйся, духом предстоай Престолу Божию;
радуйся, плотию пребывая с нами неотступно.
Радуйся, явлением мощей твоих верных возвеселивый;
радуйся, яко теми подаѣтся нам благодать Господня.
Радуйся, тою благодатию демонов полки прогоняя;
радуйся, душам изнуренным утешение подавая.
Радуйся, раны и струпы наша душевныя умащая;
радуйся, зноем греховным содержимым прохладу даруя.

Радуйся, отче Александре, пастырю добрый и изрядный угодниче Христов.

Кондак 12

Благодатную веру и дерзновение ко Господу стяжал еси, преблаженне отче, уча блюсти вся, елика заповѣда нам Христос: да любим друг друга, содеваяще святину во страхе Божии, поминая на всяк день Господа Иисуса, воставшаго от мертвых, по благовествованию апостол и пророк, иже научиша нас пѣти: Аллилуиа.

Їкос 12

Поюще твоѣ богоугодное житие, отче наш прехвальне Александре, чтим твоѣ блаженное преставление, поминающе, яко честна смерть праведных, воспеваем прославление, [лобызаем мощи твои святые,] со умилением сердца ти взывающе сѣце:

Радуйся, ходатаю о нас ко Пресвятей Троице;
радуйся, предстателю наш пред Пречистою Богородицею.
Радуйся, житию святых в жизни твоей поревновавый;
радуйся, по преставлении с ними водворивыйся.
Радуйся, небожителю, на земли нас призирая;
радуйся, к Небесам ны шествовати наставляя.

Рáдуйся, пíра бра́чнаго Христо́ва причáстниче;
рáдуйся, Гра́да Бо́жия прíсный обитáтелю.
Рáдуйся, часть имýй с Го́сподом Иису́сом во ве́ки;
рáдуйся, я́ко рáдость сия неизглаго́ланная не оты́мется от тебе́.
Рáдуйся, ду́хом наслажда́йся сла́вы неизрече́нныя;
рáдуйся, те́лом ожида́й о́бщаго воскресе́ния.
Рáдуйся, о́тче Алексáндре, па́стырю до́брый и изря́дный уго́дниче
Христо́в.

Конда́к 13

О пресла́вный уго́дниче Христо́в и те́плый моли́твенниче, пра́ведне
о́тче Алексáндре, приими́ рáдостное си́е моле́ние, в похвалу́ тебе́
возно́симое, предсто́я же Престо́лу Го́спода на́шего Иису́са Христа́,
моли́ся о всех, прибега́ющих к ти и ча́ющих твоея́ по́мощи, испроси́
мир и благоде́нствие оте́честву на́шему, власте́м и во́инству егó, да
 вси благода́рне вопие́м Бо́гу: Аллилу́иа.

Моли́тва

О святы́й уго́дниче Бо́жий Алексáндре! По́двигом до́брым
подвиза́вся на земл́и, восприя́л еси́ на Небесе́х вене́ц пра́вды, егóже
угото́ва Госпо́дь всем лю́бящим Егó. Те́мже, взира́юще на [ра́ку
моще́й твои́х и] святы́й твой о́браз, ра́дуемся о пресла́внем сконча́нии
жи́тельства и чтем святу́ю па́мять твою́. Ты же, предсто́я престо́лу
Бо́жию, приими́ моле́ния на́ша и ко всеми́лостивому Бо́гу принеси́, о
е́же прости́ти нам вся́кое прегреше́ние и по́мощи нам ста́ти проти́ву
ко́знем диáвольским, да изба́вльшеся от скорбе́й, боле́зней, бед и
напа́стей и вся́каго зла, благоче́стно и пра́ведно поживе́м в ны́нешнем
ве́це и сподо́бимся предста́тельством твои́м, а́ще и недостóйни есмы́,
ви́дети благáя на земл́и живы́х, сла́вяще во святы́х Свои́х сла́вимаго
Бо́га, Отца́ и Сы́на и Свята́го Ду́ха, во ве́ки веко́в. Ами́нь.